

PRIJEDLOG

Na osnovu člana IV 4. a) Ustava Bosne i Hercegovine, Parlamentarna skupština Bosne i Hercegovine, na _____ sjednici Predstavničkog doma, održanoj _____ 2021. godine, i na _____ sjednici Doma naroda, održanoj _____ 2021. godine, donijela je

ZAKON O DOPUNI ZAKONA O JAVNIM NABAVKAMA

Član 1.

U Zakonu o javnim nabavkama („Službeni glasnik BiH“ broj: 39/14) u članu 10. stavu (1) iza tačke c) dodaje se nova tačka d) koja glasi:

„d) ugovor o nabavci za potrebe imunizacije, kao posebne mjere za sprječavanje i suzbijanje zaraznog oboljenja i liječenja stanovništva za vrijeme trajanja stanja prirodne ili druge nesreće ili vanrednog stanja, ako postoji opasnost od brzog i nekontrolisanog širenja zaraznog oboljenja ili je to potrebno zbog zaštite javnog zdravlja;“

Dosadašnje tačke d), e) i f) postaju tačke e), f) i g).

Član 2.

Ovaj zakon stupa na snagu osmog dana od dana objavljivanja u „Službenom glasniku BiH“.

PSBIH, broj _____/21
_____ 2021. godine
Sarajevo

Predsjedavajući
Predstavničkog doma
Parlamentarne skupštine
BiH

Predsjedavajući
Doma naroda Parlamentarne
skupštine BiH

OBRAZLOŽENJE

1. USTAVNI OSNOV

Ustavni osnov za donošenje ovog zakona sadržan je u članu IV 4. a) Ustava Bosne i Hercegovine, prema kojem je Parlamentarna skupština Bosne i Hercegovine ovlaštena za donošenje zakona na nivou države Bosne i Hercegovine.

2. RAZLOZI ZA DONOŠENJE ZAKONA

Kako Bosna i Hercegovina do danas nije uspjela nabaviti vakcine za imunizaciju stanovništva putem COVAX mehanizma, to je po uzoru na zemlje u okruženju potrebno osigurati nabavku vakcina iz drugih izvora.

3. CILJ DONOŠENJA ZAKONA

Cilj dopune Zakona o javnim nabavkama („Službeni glasnik BiH“ broj: 39/14) je omogućavanje nabavke vakcina za provođenje imunizacije stanovništva Bosne i Hercegovine od COVID-19 na najbrži mogući način, te osiguranje zaštite života i zdravlja stanovništva BiH.

4. PRINCIPI NA KOJIMA SE ZAKON ZASNIVA

Ovim zakonom unaprijeđeno je postojeće zakonsko rješenje u skladu s osnovnim principom koji se odnosi na hitno djelovanje radi zaštite života i zdravlja stanovništva u BiH.

5. OBRAZLOŽENJE PREDLOŽENIH PRAVNIH RJEŠENJA

Zakonom se predlaže dopuna postojećeg člana 10. (Izuzeća od primjene odredbi ovog zakona) stava (1), na način da se iza tačke c) dodaje nova tačka d) koja glasi:

„d) ugovor o nabavci za potrebe imunizacije, kao posebne mjere za sprječavanje i suzbijanje zaraznog oboljenja i liječenja stanovništva za vrijeme trajanja stanja prirodne ili druge nesreće ili vanrednog stanja, ako postoji opasnost od brzog i nekontrolisanog širenja zaraznog oboljenja ili je to potrebno zbog zaštite javnog zdravlja.“

6. FINANSIJSKA SREDSTVA ZA PROVOĐENJE ZAKONA

Finansijska sredstva za nabavku sredstava za imunizaciju padaju na teret nadležnih ugovornih organa koji zaključuju ugovore o nabavci za potrebe imunizacije.

PREGLED ODREDBE ZAKONA O JAVNIM NABAVKAMA KOJA SE DOPUNJUJE

Član 10. (Izuzeca od primjene odredbi ovog zakona)

(1) Od primjene ovog zakona izuzimaju se:

- a) ugovor o javnoj nabavci koji je zakonima u Bosni i Hercegovini proglašen državnim tajnom;
- b) ugovor o javnoj nabavci čije izvršenje zahtijeva posebne mjere sigurnosti, u skladu sa zakonima u Bosni i Hercegovini;
- c) ugovor koji se dodjeljuje u skladu s međunarodnim sporazumom prema kojem se primjenjuje posebna procedura međunarodnih, kreditnih ili donatorskih aranžmana ili ugovor o javnoj nabavci koji je zaključen u skladu s posebnim pravilima definiranim međunarodnim ugovorom između Bosne i Hercegovine i jedne ili više država za projekte koje će ugovorne strane zajednički izvoditi ili koristiti, ili na osnovu međunarodnih sporazuma o stacioniranju trupa koje zaključi Bosna i Hercegovina;
- d) ugovor o javnoj nabavci prirodnih i zakonskih monopola, a koji mogu uključiti nabavku vode, električne energije, plina, toplotne energije i drugih usluga, do otvaranja relevantnog tržišta za konkurenciju;
- e) ugovor o kupovini ili zakupu postojećih zgrada, druge nepokretne imovine, zemljišta ili prava koja iz njih proističu, bilo kojim finansijskim sredstvima, uz obavezu ugovornog organa da osigura transparentnost te procedure, s tim što nabavka finansijskih usluga za kupovinu ili zakup postojećih zgrada, druge nepokretne imovine, zemljišta ili prava koja iz njih proističu, istovremeno, prije ili nakon ugovora o kupovini ili zakupu, u bilo kojem obliku, podliježe provođenju jednog od postupaka definiranih ovim zakonom;
- f) ugovor koji za predmet ima usluge iz Aneksa II. Dio C ovog zakona.

(2) Koncesioni ugovori dodjeljuju se u skladu sa zakonima o koncesijama u Bosni i Hercegovini.

(3) Ugovori o javno-privatnom partnerstvu dodjeljuju se u skladu sa zakonskim propisima o javno-privatnom partnerstvu.

Prečišćeni tekst člana 10. ZAKONA O JAVNIM NABAVKAMA

Član 10. (Izuzeca od primjene odredbi ovog zakona)

(1) Od primjene ovog zakona izuzimaju se:

- a) ugovor o javnoj nabavci koji je zakonima u Bosni i Hercegovini proglašen državnim tajnom;
- b) ugovor o javnoj nabavci čije izvršenje zahtijeva posebne mjere sigurnosti, u skladu sa zakonima u Bosni i Hercegovini;
- c) ugovor koji se dodjeljuje u skladu s međunarodnim sporazumom prema kojem se primjenjuje posebna procedura međunarodnih, kreditnih ili donatorskih aranžmana ili ugovor o javnoj nabavci koji je zaključen u skladu s posebnim pravilima definiranim međunarodnim ugovorom između Bosne i Hercegovine i jedne ili više država za projekte koje će ugovorne strane zajednički izvoditi ili koristiti, ili na osnovu međunarodnih sporazuma o stacioniranju trupa koje zaključi Bosna i Hercegovina;
- d) ugovor o nabavci za potrebe imunizacije, kao posebne mjere za sprječavanje i suzbijanje zaraznog oboljenja i liječenja stanovništva za vrijeme trajanja stanja prirodne ili druge nesreće

ili vanrednog stanja, ako postoji opasnost od brzog i nekontrolisanog širenja zaraznog oboljenja ili je to potrebno zbog zaštite javnog zdravlja;

e) ugovor o javnoj nabavci prirodnih i zakonskih monopola, a koji mogu uključiti nabavku vode, električne energije, plina, toplotne energije i drugih usluga, do otvaranja relevantnog tržišta za konkurenciju;

f) ugovor o kupovini ili zakupu postojećih zgrada, druge nepokretne imovine, zemljišta ili prava koja iz njih proističu, bilo kojim finansijskim sredstvima, uz obavezu ugovornog organa da osigura transparentnost te procedure, s tim što nabavka finansijskih usluga za kupovinu ili zakup postojećih zgrada, druge nepokretne imovine, zemljišta ili prava koja iz njih proističu, istovremeno, prije ili nakon ugovora o kupovini ili zakupu, u bilo kojem obliku, podliježe provođenju jednog od postupaka definiranih ovim zakonom;

g) ugovor koji za predmet ima usluge iz Aneksa II. Dio C ovog zakona.

(2) Koncesioni ugovori dodjeljuju se u skladu sa zakonima o koncesijama u Bosni i Hercegovini.

(3) Ugovori o javno-privatnom partnerstvu dodjeljuju se u skladu sa zakonskim propisima o javno-privatnom partnerstvu.